

Eizawna kawnga pui thei tur zirna, kan diploma certificate pawh India ram pum a recognise, course tin zir chhuak te mahni a sumdawna bul tan theihna ni bawk zirna rawn thlang ve rawh le.

## Modern Office Management & Practice (MOMP) Entry qualification-Class 12

Eng stream pawh (Arts, Science, Commerce, etc) class XII zo tan he course hi dil theih a ni. Mizoram sawrkar in hna dil thar te tan Computer Certificate an beisei thin chu hemi course zir zo, hna zawng thar te tan neih ngai lovin he course hian a keng tel nghal ani.

MOMP zir chhuak te hian sawrkar hnuai ah leh private firm hrang hrang hnuai ah office hna pawimawh tak tak an chelh thei a. Stenographer, Private Secretary, Administrative assistant leh Computer kaihhnawih office hna pawimawh hrang hrang te hi thiam tak a zirtir ni in, chung hna awmna office ah te chuan Mizoram sawrkar hnuai ah leh Private Enterprise hnuai ah tun thlengin hna thawk an awm mek a ni. Entrepreneurship lam a tui mi tan mahni ke a dingin, trade hrang hrang ah mi hlawhtling tak a nih theih bawk.



## Electronics & Telecommunication Engg (ET) Entry qualification-Class 10

Kan tunlai khawvel thlir in Electronics and Telecommunication (ET) ah kan inngat thuk tial tial tih a lang a. Chuvang chuan hemi kawnga thiamna neih hi hna tha tak hmuh nan a la tangkai zel dawn niin a lang. ET course zir chhuak te tan hian kawng zau takin a inhawng a, mimal ang pawhin sumdawna tha tak a din theih a. State chhungah ngei pawh Entertainment Industry leh IT hmunpui ah hna tha tak tak an dil thei bawk. Higher education lam a kal chhonzawm duh tan pawh NIT Mizoram, MZU leh Engineering College hrang hrang ah te a zir zawm nghal theih bawk.

## Garment Technology (GT) Entry qualification-Class 10

Tunlai khawvelah mitin mamawh -thawmhaw siamchhuahna hian nasa takin hma a sawn a. He industry hian India ram mai nilo, ram dang a thawnchhuah thlengin hmun pawimawh tak a luah a ni. He industry pawimawh takah hian Production, Designing leh Marketingah te hna chelh thei turin Garment Technology course zir chhuak te chu buatsaih an ni a. Tin, mimal a bul tan duh tan pawh kawng zau tak a inhawng bawk. A zir chhuak tawhte zingah hian mi tam tak mahni kut ke a ding hlawhtling tak takte, zirthiamna hmun pawimawh tak a zirtir hna chhuanawm tak thawkte, State chhung mai ni lovin, State pawn thleng pawhin an awm thin. Tin, Garment Technology course ah hian syllabus in a huam chin hi a zau in, a kim chang thei ang ber a Fashion chungchang zirtir an ni a. Chu chuan zir zawm zel na kawng zawh duh tan pawh rahbi pawimawh tak a tuk sak a ni.



## Beauty Culture & Cosmetology (BCC) Entry qualification-Class 10

Hrisel leh uluk taka hmelhmang leh taksa, mahni mai bakah midangte enkawl thei tur khawp thiamna hi tunlai ah eizawna tlak a ni. Chu hna pawimawh tak thawk thei tur chuan BCC course hi zir theih a ni a. Khawvel a thang a, mipui kan changkang zelna khawvelah BCC hian hmun pawimawh a chang chho zel a ni. He Course ah hian Beauty therapist, Spa therapist, hair dresser, makeup artist leh cosmetic promoter hna te thawk thei tur a zirtir an ni. A zir chhuak tawh te hi mahni ke a ding hlawhtling tak tak an awm bakah, State pawn mai pawh nilo, khawvel ram dang thleng pawhin hotel, company, cruise line leh resort tha leh rintlak tak tak ah hlawh tha tak neiin an awm mek a. State chhung ah pawh sawrkar leh kohran hnuai training center leh vocational school hrang hrang ah te zirtirtu hna thawk an awm bawk.

## Placement:

Kum 3 chhung i rawn zir anga, i zir chhuah hma in i hna tur kan lo zawnsak ang che. India ram khawpui hrang hrangah leh ramdang thleng pawhin kan zirlai chhuak ten hna an hmu thin. **Hna dil dawnin computer certificate hranpa ngai tawh lovin kan course hian a keng tel vek tawh a ni.**

**Hostel:** Hostel a awm duh tan pawh double room nuam tak a awm e.

Fees Structure:		
Sl.No	Particulars	Approved Rates of Fees (in Rs.)
1.	Admission Fee	Rs. 3700/-
2.	Tuition Fee	Rs. 200/-p.m
3.	Hostel Admission Fee	Rs. 2700/-
4.	Mess Fee	Rs. 3000/- p.m
5	Bus Fare	Rs. 600/- p.m
6	Uniform	Rs.700/-

## Admission: How to apply.

Online admission hi hemi link ah hian a tih theih <https://forms.gle/HznrUXFAfssjb8zQ9> .  
Form la chhuak a hard copy a submit duh tan Women's Polytechnic, Aizawl atangin a lei theih bawk. Admission Form man Rs. 50/-

Candidate exam tur ten, form submit rualin Exam Fee Rs. 250/- pek tur a ni.

